

CONCELLO DE VIGO



POLÍTICA DE BENESTAR SOCIAL

ADDENDA Ó «CONVENIO DE COLABORACIÓN ENTRE A CONCELLERÍA DE POLÍTICA SOCIAL DO CONCELLO DE VIGO E A “ASOCIACIÓN FREIXEIRO DE AXUDA Ó NECESITADO (AFAN)” PARA A ATENCIÓN INMEDIATA DE PERSOAS E FAMILIAS EN SITUACIÓN DE NECESIDADE (2019 – 2021)».

En Vigo, na Casa do Concello, o [data da sinatura electrónica]

COMPARECEN

Dunha parte,

A Concelleira – Delegada da Área de Política de Benestar Social do Concello de Vigo, D^a Yolanda Aguiar Castro, asistida pola Secretaria de Goberno Local, D^a. M^a Concepción Campos Acuña.

Doutra parte,

D^a. Hortensia González Fernández, con DNI nº 35.914.549-A, presidenta da Asociación, con enderezo para os efectos de notificación na rúa Pastora nº 44 desta cidade.

INTERVEÑEN

D^a. Yolanda Aguiar Castro, na súa condición de Concelleira – Delegada da Área de Política de Benestar Social do Concello de Vigo, dacordo cos Decretos do Alcalde – Presidente do 18.06.2019, de estruturación dos servizos corporativos municipais e delegación de competencias xerais e do 26.06.2019, de delegación de competencias específicas nos/as concelleiros/as delegados/as de Área (Apdo. Terceiro, Pto. 5).

D^a. Hortensia González Fernández, actuando en representación da “Asociación Freixeiro de Axuda ó Necesitado (AFAN)” (CIF 36.660.348), segundo así resulta dos seus estatutos e dos acordos asemblearios adoptados, asegurando a comparecente que tales facultades non lle foron revogadas.

D^a. M^a Concepción Campos Acuña, Secretaria de Goberno Local, ós meros efectos de asistencia ó Sr. Alcalde – Presidente e dación da fe pública no outorgamento do presente documento.

Os comparecentes, no concepto en que interveñen, recoñécense recíprocamente a lexitimación e a capacidade legal necesaria para o outorgamento e formalización da presente Addenda e, como antecedentes e motivación deste acordo de vontades,

EXPOÑEN

Lo 15.04.2019 foi asinado polas partes o «CONVENIO DE COLABORACIÓN ENTRE A CONCELLERÍA DE POLÍTICA SOCIAL DO CONCELLO DE VIGO E A “ASOCIACIÓN FREIXEIRO DE AXUDA Ó NECESITADO (AFAN)” PARA A ATENCIÓN INMEDIATA DE

Páxina | 1

Documento asinado



Copia do documento - Concello de Vigo	Data impresión: 08/05/2020 11:18	Páxina 1 de 4
Aprobado en Xunta de Goberno do 07/05/2020	CSV: 24EHE8-43CCD2-5C38C5-E2JT9T-LP78E6-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Copia do documento - Concello de Vigo	Data impresión: 14/05/2020 12:28	Páxina 1 de 4
Expediente 198464/301	CSV: 2CEEE7-488B5B-32C7C9-PANRAX-1SV5SH-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Copia do documento - Concello de Vigo	Data impresión: 08/05/2020 11:18	Páxina 2 de 4
Aprobado en Xunta de Goberno do 07/05/2020	CSV: 24EHE8-43CCD2-5C38C5-E2JT9T-LP78E6-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

PERSONAS E FAMILIAS EN SITUACIÓN DE NECESIDADE (2019 – 2021)», aprobado na sesión ordinaria da Xunta de Goberno Local do 11.04.2019 (Exp. nº 180489/301).

II. Constitúe o obxecto dese Convenio de colaboración a regulación dos termos da concesión da subvención directa prevista nominativamente nos orzamentos xerais do Concello de Vigo a favor de AFAN para a atención inmediata de persoas e familias en situación de necesidade.

III. Na súa Cláusula Cuarta estableceuse o réxime de pagamentos:

«CUARTA.- O réxime de pagamentos acordado é o seguinte:

1. No ano 2019, o 50% da cantidade anual á sinatura do convenio. Nos anos 2020 e 2021, o 50% da cantidade anual, no primeiro trimestre do ano. Ó concorrer razóns de interese público, social e humanitario que determinan a concesión da subvención e tendo en conta o carácter da beneficiaria como unha entidade non lucrativa adicada a desenvolver programas con fins sociais, que presenta necesidades financeiras demostradas que lle impiden realizar cos seus propios medios a actividade subvencionada, considérase necesario convenir un pago anticipado por importe do cincuenta por cento do total da subvención. De acordo co artigo 42 do RD.887/2006, do 21 de xullo, polo que se aprobou o Regulamento da Lei xeral de subvencións, as entidades non lucrativas que desenvolvan proxectos e programas de acción social quedarán exoneradas da constitución de garantías.
2. O 50% restante, unha vez xustificadas os gastos realizados ata o 1 de novembro de cada un dos tres exercicios, mediante facturas orixinais ou demais documentos de valor probatorio equivalente con validez no tráfico xurídico mercantil e con eficacia administrativa, acreditativos dos gastos e presentación de Memoria anual. Ó anterior unirase unha certificación do cumprimento do Convenio asinada polo/a funcionario/a responsable do programa.

Para poder realizar o pagamento anticipado previsto será necesario que a entidade presente previamente unha declaración responsable de non está incurso en ningunha das prohibicións e/ou circunstancias indicadas no Art. 34.4 pfo. 3º da L.38/2003, do 17 de novembro, xeral de subvencións, como impeditivas para a realización de pagamentos anticipados a beneficiarios de subvencións».

IV. Por outra banda, nas Bases de execución dos Orzamentos (Base nº 38: “Subvencións”, Apdo. 7), establécense as seguintes limitacións ós anticipos:

«En supostos excepcionais, tras a motivación que o xustifique, polo órgano competente poderanse outorgar subvencións con xustificación diferida ata o límite do 50% do importe concedido; queda condicionada a liquidación desta á presentación e conformidade dos documentos orixinais que xustifiquen a realización da actividade. A segunda entrega e liquidación da mesma, está condicionada a xustificación total do gasto, tendo en conta a aplicación a finalidade prevista como gasto elixible e a presentación da documentación xustificativa. Cabe a posibilidade de establecer nas bases ou se fose o caso na convocatoria un segundo ou posteriores anticipos, sempre e cando teña xustificado o primeiro ou anterior, non excedendo cada un deles o 50% da contía concedida pendente de xustificar».

V. Con todo, no contexto actual de grave crise sanitaria e social derivada da pandemia provocada polo COVID-19, resulta absolutamente necesario garantir tanto o normal funcionamento dos servizos sociais municipais como os daqueles que se realizan a través das diversas entidades colaboradoras que prestan un servizo inestimable de atención ás necesidades básicas de moitas persoas e familias en situación de precariedade económica; entidades de iniciativa social que están a atravesar tamén por graves dificultades de funcionamento debido ó incremento das solicitudes de axuda de alimentación básica.



Copia do documento - Concello de Vigo	Data impresión: 14/05/2020 12:28	Páxina 2 de 4
Expediente 198464/301	CSV: 2CEEE7-488B5B-32C7C9-PANRAX-1SV5SH-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

ASINADO POR: APROBADO POR XUNTA DE GOBERNO LOCAL - AYTO. DE VIGO - P3605700H - 2020-05-07T19:28:28+02:00 -

Documento asinado



VI. A entrada en vigor do estado de alarma decretado a partir do 14.03.2020 supuxo a aplicación de severas medidas restritivas da mobilidade e do desenvolvemento das actividades cotiás da poboación. A finalidade primordial segue a ser frear o ritmo da transmisión comunitaria para evitar un colapso do sistema sanitario con medidas drásticas e apelando á responsabilidade da poboación no seu conxunto.

Sen embargo, esta situación está a ter un enorme impacto nas persoas máis vulnerables, vencelladas ou non ós servizos sociais, por dous motivos fundamentais:

- 1) Semella demostrado que o COVID-19 incrementa a súa letalidade sensiblemente en persoas de idade con patoloxías previas.
- 2) O único remedio aplicable nestes momentos, o aillamento social, recae sobre moitas persoas para as que esta medida pode ter uns efectos moi negativos de non se arbitrar medidas de compensación inmediatas.

Consciente desa vulnerabilidade e da necesidade de seguir ofrecendo os apoios indispensables, o mesmo RD.463/2020 estableceu no seu Art. 7.1.e] unha excepción ás limitacións da liberdade de circulación de persoas, referida á asistencia e coidado a persoas maiores, menores, dependentes, persoas con discapacidade ou persoas especialmente vulnerables.

A día de hoxe, tanto o Banco de España como diversos organismos internacionais (FMI, BCE, OCDE...) recoñecen a entrada en recesión económica, con efectos que poden ser devastadores para a poboación máis vulnerable, agravada polas polas masivas perdas de emprego que xa se están producindo.

Debido a toda esta situación, estase a producir na nosa cidade un incremento masivo de demandas de alimentos ás entidades que teñen conveniado co Concello de Vigo o reparto de alimentos e o funcionamento de comedores sociais.

É por este motivo polo que resulta necesario neste momento introducir unha modificación puntual no contido do Convenio asinado con AFAN (Cláusula Cuarta) a fin de **permitir o aboamento do 50% da contía anual pendente (27.500€), unha vez xa xustificado o primeiro 50% (consta no Exp. n.º 196316/301).**

Mantense, iso sí, a obriga de xustificación do 100% da subvención concedida con anterioridade ó 01.11.2020.

VII. Dacordo co previsto na súa Cláusula Décimo primeira: «*Calquera alteración do contido deste Convenio precisará do acordo das partes asinantes e da autorización municipal do órgano competente e instrumentarase mediante a correspondente Addenda.*».

Tendo en conta o anteriormente exposto as partes,

ACORDAN

«PRIMEIRO: Modificar a Cláusula Cuarta do «CONVENIO DE COLABORACIÓN ENTRE A CONCELLERÍA DE POLÍTICA SOCIAL DO CONCELLO DE VIGO E A “ASOCIACIÓN FREIXEIRO DE AXUDA Ó NECESITADO (AFAN)” PARA A ATENCIÓN INMEDIATA DE PERSOAS E FAMILIAS EN SITUACIÓN DE NECESIDADE (2019 – 2021)», que quedará coa seguinte redacción:

«CUARTA.- O réxime de pagamentos acordado é o seguinte:

	Copia do documento - Concello de Vigo	Data impresión: 08/05/2020 11:18	Páxina 3 de 4
	Aprobado en Xunta de Goberno do 07/05/2020	CSV: 24EHE8-43CCD2-5C38C5-E2JT9T-LP78E6-H1	
	Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

	Copia do documento - Concello de Vigo	Data impresión: 14/05/2020 12:28	Páxina 3 de 4
	Expediente 198464/301	CSV: 2CEEE7-488B5B-32C7C9-PANRAX-1SV5SH-H1	
	Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

1. No ano 2019, o 50% da cantidade anual á sinatura do convenio. **Nos anos 2020 e 2021, o 50% da cantidade anual, no primeiro trimestre do ano.** Ó concorrer razóns de interese público, social e humanitario que determinan a concesión da subvención e tendo en conta o carácter da beneficiaria como unha entidade non lucrativa adicada a desenvolver programas con fins sociais, que presenta necesidades financeiras demostradas que lle impiden realizar cos seus propios medios a actividade subvencionada, considérase necesario convenir un pago anticipado por importe do cincuenta por cento do total da subvención. De acordo co artigo 42 do RD.887/2006, do 21 de xullo, polo que se aprobou o Regulamento da Lei xeral de subvencións, as entidades non lucrativas que desenvolvan proxectos e programas de acción social quedarán exoneradas da constitución de garantías.
2. **Con carácter excepcional e a fin de garantir o normal funcionamento da actividade de suministro de alimentos básicos por parte de AFAN no contexto da grave crise provocada pola pandemia do COVID-19, o 50% restante do importe da subvención poderá aboarse tan pronto como se xustifique o anterior 50%, pospoñéndose a xustificación da totalidade da subvención concedida para a data límite do 1 de novembro;** xustificación que deberá realizarse mediante facturas orixinais ou demais documentos de valor probatorio equivalente con validez no tráfico xurídico mercantil e con eficacia administrativa, acreditativos dos gastos e presentación de Memoria anual. Ó anterior unirase unha certificación do cumprimento do Convenio asinada polo/a funcionario/a responsable do programa.

Para poder realizar o pagamento anticipado previsto será necesario que a entidade presente previamente unha declaración responsable de non estar incurso en ningunha das prohibicións e/ou circunstancias indicadas no Art. 34.4 pfo. 3º da L.38/2003, do 17 de novembro, xeral de subvencións, como impeditivas para a realización de pagamentos anticipados a beneficiarios de subvencións».

SEGUNDO: A presente Addenda estará en vigor durante a vixencia que resta do Convenio subscrito o 15.04.2019 entre o Concello de Vigo e a representante da «Asociación Freixeiro de Axuda ó Necesitado (AFAN)».

E en proba de conformidade, as partes asinan esta Addenda, por duplicado exemplar, no lugar e data expresados no encabezamento, de todo o que eu, como Secretaria de Goberno Local, dou fe.

POLO CONCELLO DE VIGO,
A CONCELLEIRA DE POLÍTICA DE BENESTAR SOCIAL,
Asdo.: Yolanda Aguiar Castro

Perante mín,
A SECRETARIA DE GOBERNO LOCAL,
Asdo.: Mª Concepción Campos Acuña

POR AFAN,
Asdo.: Hortensia González Fernández



	Copia do documento - Concello de Vigo	Data impresión: 08/05/2020 11:18	Páxina 4 de 4
	Aprobado en Xunta de Goberno do 07/05/2020	CSV: 24EHE8-43CCD2-5C38C5-E2JT9T-LP78E6-H1	
	Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

	Copia do documento - Concello de Vigo	Data impresión: 14/05/2020 12:28	Páxina 4 de 4
	Expediente 198464/301	CSV: 2CEEE7-488B5B-32C7C9-PANRAX-1SV5SH-H1	
	Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		